

شيعتي مشأيه جنتي وبالسواد مسربة

نصبوا العزيات ليه حضري يُمّه واسمعي
يصعب الزاير عليه شلون يُمّه أستقبله

چيف أنهض خاف أوگض جثة اوليدي الرضيع
غافي بصدري توجعه يُمّه نبلة حرمله

خلي عبدالله بحضني وگوم حيي شيعتك
امحيره مندهش بالي والدمع دم أهمله

نخبة الزوار بالزفارت شدني هالچي
ضجة في كل صوب حولي كربلا في زلزلة

قطعت أنياط قلبي ابهالعتب آني معك
ما رضت نفسي أعوفك يا ضنايه ابهالافلا

والعطش مضك وقلبك صار چن مرجل جمر
تحشم الأنصار بالغبره ضحايا امجدله

وابن كاهل بالمثلث مرد يوليدي الجبد
استخرجيته ابثلث قلبك واعظم هالنازلة

وبالخيم نيران شبت والحرم بيد الغرب
شفت زينب چيف يضربها الشمر لمدلة

جسد ماله راس شفته مرمي ابكتره العلم
عندي اچفوفه الوافي ابني راعي المرجلة

كطع الجمال چفي اشلون أصافح شيعتي
رحبي بالزوار ولمي هالدموع السايله

يُمّه يا زهرا تعالي شوفي غصت كربلا

حول قبر اخلوق ضجت بالبواچي والنعي
جو يواسونچ يزهره وما يملون السعي

مگدر أستقبل أحبابي وراسي يا يُمّه قطيع
على اذراعي ذابحينه مرتوي ابدمه النجيع

آني بالحضرة أولول دودهننتي امصبيتك
روحي هيجهها حنينك فطرتني ونّتك

أسمع الصيحات بالمنحر فجعني هالچي
رغم ألم لضلوع يا المذبوح بالحيط أتجي

نادته يحسين بالله اتظن أبارح مصرعك
بيني من عاشر خيالي اويك لا ما ودّعك

أذكرك مفرود حاير تحمي ربّات الخدر
تستغيث ولا أحد لبّاك جالك ينتصر

الحجر حين اللي صابك خلي روحي ترتعد
وانحنيت اعلى المهر للموت شفتك تستعد

أنظرك مطروح دم نحرك يُصب فوق الثرب
واليتامي تنشد اختك وين طاعون الحرب؟

بو الفضل معذور طايح نابت ابعينه السهم
لو هو حي عباس من يجسر يداني هالخيم

دمعي دم نحري يُمّه كافي ذابت مهجتي
حالتي گشرة تشعبچ يا العزيزة شوفتي